

山西府縣志輯

三才地方志集成

同治浮山縣志
光緒浮山縣志

中國地方志集成

山西府縣志輯 ⑤⑤

同治浮山縣志

光緒澤州縣志

鳳凰出版社 ● 上海書店 ● 巴蜀書社

增脩浮山縣志序

且事莫難于創始而功莫
優于相因則欲述前人之
遺徽以爲後人之法守雖
數百載臥上之心心不可
見而一爲之脩飾潤色斯

浮山縣志序

忠孝節義之志遂無不昭
然若揭如在目前則信矣
邑之不可無志猶國之不
可無史也余自壬戌通籍
來晉庚午夏奉乏是邦下
車伊始即披覽輿圖見其

卷頁之脫落鋟版之模糊

其殘闕而不全者大半震
文獻之無徵恐愈久而愈
失其真也心竊慕之竊攷
邑乘創自康熙閱重脩于
乾隆十丰迄今又百餘年

浮山縣志序

于茲矣其間豈無可嗣徽
音所當續入志乘已垂不
朽者特莫爲之後雖美弗
傳耳於是廣詢博訪竟於
邑紳家獲一全帙是伊不
自我先不自我後而乃得

于深思遠慮之餘若肯爲
之守先而待後者此其中
殆有天焉非心之所能爲
也爰集同志諸君就其原
本重加釐訂譌者證之遺
者補之信者存之疑者闕

浮山縣志

序

三

之並取軋嘉以來之可傳
者附于後而邑志始有完
書亟詔手民重付梨棗五
閱月而告成不禁喟然曰
甚哉脩志之難也蓋地處
山陬丰踰中子既多卷宗

之徵供復少父老之傳聞
則欲其簡而能諛約而能
詳不夏夏乎其難哉况余
賤性雖魯問政未遑而區
區重輯之初心計惟是補
刺前書編綴近事俾觀形

浮山縣志

序

四

勢而知山川之夷險覽舊
蹟而識今古之廢興續選
舉以紀人材志節孝以彰
苦節傳心之志行吾之志
此書成而吾志遂矣顧因
陋就簡接墜緒於幾亡非

敢云美備悉臻亦祇期白水盟心青山增色與式三同志樂觀厥成焉耳若夫與利除弊振廢起衰倍何以厚政何已成者非常之人始克舉非常之業余不

浮山縣志

序

五

敵雖有志焉而未逮焉得不於後之君子而深其屬望之思也夫是為序告龍飛同治十三年歲在甲戌十月朔旦賜進士出身

誥授奉政大夫候補直隸州知浮山縣事加三級長白廣鍾撰書



浮山縣志

序

六

補刊浮山縣志序

邑之有志猶國之有史家之有
乘人之有年譜也故或數年一
修或十數年一脩至遠不過數
十年從未有遠逾百年者浮山
縣志則自乾隆至今百餘年未

增一字中間可傳之人與一切
當紀之事吾不知其遺軼凡幾
而且原版殘缺舊本無多若再
過數十年將盡飽蠹魚之腹而
消歸於無何有之鄉矣後之人
雖欲踵而修之幾何不歎為杞

宋之文獻耶特菴慶公以名進

士來宰是邦惠心仁術輿頌翕
然公餘無他嗜好惟以振文修
廢為務既刊張水屋詩藁則自
廟學書院以迄厲壇城隍廟韓
村南畔橋諸役無不次第舉修

俾各就緒以故卓著循聲一時
藉甚予固耳熟公名幾欲學許
行之滕受一廛而為氓乃歲在
甲戌適官是學益信名下定無
虛士洎索觀邑乘則又感慨係
之矣當是時公方修訖文廟以

餘資補刊舊志并訪百年來可傳不朽者類附於後以為斯乘光雖滄海遺珠未必一網打盡而凡耳目之所能及父老之所傳聞固已附驥尾而行益顯而不患與草木同朽腐也是志也

創始者前令潘侯續修者先紳張子至公而再接再厲使百餘年以往之風土人物鄉賢名宦無美弗彰百餘年以來之風土人物鄉賢名宦無盛弗傳發潛德之幽光俾流芳於百世視古

人之澤及枯骨吾不知其何如而一腔子惻隱之心已於此而畢露其端倪也異日得宰天下亦如是邑矣爰濡筆而樂為之序豈同治甲戌秋月勅授修職郎浮山縣儒學教諭

加三級昭餘李芬謹撰



增修浮山縣志序

邑之有志乃國史中之一端凡以稽幅員紀風土也而山川之夸險民俗之醜漓皆於是乎見所貴有勦於前而為之備載尤賴以因於後而為之增脩溢未有歷

浮山縣志

序

一

百年而闕焉無續纂者則浮山縣志之宜修也烏可緩哉長白特菴慶公於政成之四年覩斯殘闕恐久而愈益湮沒如杞宋之不足徵也用是博采輿論即舊本而續增之以重

付梨棗於此益以見其實事

求是而為當務之急矣懷公自庚午歲來宰是邑每以興利除弊脩廢舉墜為己任甫下車即不憚勞瘁跋涉周歷初屬諸隘以悉心籌畫為未

浮山縣志

序

二

雨綢繆計以邑西之梓村方通臨洪之大道南之南畔橋為界翼城之要路相度形勢各就其地之高下建閘塞而築女牆俾民得設險為守有備而無患其樹保障之功有如此者因邑

文廟之漸就傾圮也謀所以修葺之乃捐廉以為之倡邑之紳富士民莫不量力輸將爭先趨事而庀工於以告成然後嘆惠心孚於平日而感召自見於明時也其言聖道之誠有如此者

而且整書院以培養人才鼓舞休興宏願考課循善誘而訓迪有方肄業諸生一經拔擢或拔萃入選或優列前茅其藻鑑之精有如此者又復勤聽訟而案鮮滯牘獄無小大必

以情講張為幻者莫得售其欺霄受之想者多可施其技是以片言剖決固不是非立判而兩造胥平其聽斷之明有如此者詩人張道渥沒已久矣所著水屋牘稿為之重訂而序傳之風

雅不已略見一斑邪他如城隍廟則重脩大門邑屬墮則添建屋宇補築垣牆事所應為不致弓力肩生任次第舉行其他善政尤不勝指屈以故紳君之稱眾母之號不獨洋洋

乎四境歌頌於勿休即降封之
民六皆聞風嚮慕願為之氓此
非有實政在民烏能心悅誠服
若是哉他時出掌疆圉入為
宰輔設施之彪炳當更大焉可
觀胥可於此日之治行卜之僕

浮山縣志

序

五

半生潦倒落拓風塵餬其口
于四方辱公知遇之深待以國
士依公幕府者數載於茲相
處既久故知之特詳今於縣
志之刊命襄分纂校讎之後
何可竟默多一言爰於剞劂

藏事用綴數語惜顏唐之
筆不足以闡揚盛美凡所臚
陳聊以紀實有挂漏無諛詞
也謹序時


龍飛同治十三年歲在甲戌
九月既望并門盧夢蘭前

浮山縣志

序

六

出氏識於神山幕次



浮山縣志序

麟經未筆之年晉先名乘馬
史易班而後志遂代書攷括
地於三唐未成全璧志前明
之一統厥有完篇下逮郡縣
之分編悉供朝廷之採輯此

兼收博取邑乘實開通志之
端而補闕拾遺草創尤賴纂
修之力浮山縣志始修於康
熙壬子再修於雍正壬子乾
隆甲子迄今百三十年矣風
聲政教幾經月異而日新闕

隘山川屢見增高而設險職
官多著勤勞之績甲科不無
繼起之英祥異疊呈俗風丕
變神祠陵墓多有待於增修
田賦倉儲不能無所沿革以
及戶口之有增減節義之有

題

旌一名一技之微胥堪採入先世
先民之澤幾欲就湮倘不補
輯於今時竊恐遺忘於後日
此邑尊特菴慶老夫子所
為急急於修志也溯從

龍入國之先毓靈長白當飛鳧下車之始遇物垂青養育人才化溥青羶之雨增加膏火春噓白屋之風訓課時勤講求備至修文廟以興文教不辭功費之繁築社壇以祀社神

浮山縣志

序

三

兼及農桑之務況復敬城隍而新廟妥邑厲而為壇高其閤闔修我牆屋因有形之險阻添設關防悼無主之游魂買營義塚豆脚錢里嫌其擾立法均攤限簿費民苦其繁

隨糧減損每下鄉則屏除雲從恒巡野而多沛雨膏無利不興有煩必滌凡益治便民之事隨處留心而雙歧五袴之歌厥聲載路因於政餘之暇勤考簡編更從披讀之閒

浮山縣志

序

四

訪詢古蹟憫舊志仍多闕略設新局以廣採求挈領提綱特下褒榮之筆分肌擘理兼資入幕之賓婉而成章謹嚴符春秋之律叙而不斷體例合史傳之規冗者節而略者

增信者傳而疑者闕至公至
慎非毀非譽義著千秋芳垂
萬古片長載而神山壽永一
藝成而滴水流長擷譜牒之
菁華繁而不殺備彈丸之事
物要而加詳天時與人事齊

明風土共民情疊見行見弦
歌成化共知禮樂之可興從
茲文獻足徵益信典型之具
在操牛刀而小試鼎鼐會調
協鳥紀以成編輯軒備採高
文虹吐羣相翹企於鴻篇末

學蟲雕竊幸附名於驥尾豈
同治十三年歲次甲戌小春
例授文林郎揀選知縣壬戌
恩科舉人馬豫齡撰



序
邑之有誌凡以記山川
疆土物產民風以及古
今之沿革歷代之災
祥靡不博採兼收搜

討無遺雖不同國史
之義例精嚴而紀載
周詳采風者即可因
此以別是非定濫戒
焉則邑乘一編不綦

重歟今年春余謁送
都下得交於農部張公
聆其言論已畧悉浮
山梗概夏初來蒞此
邦觀風問俗知其朴

寔勤儉饒有古先遺
意及披閱舊志微憾
其未盡精詳因喟文
章一道作者固難述
者亦自不易官斯土

者日從事於簿書錢穀又不暇及此數十年來文獻日益湮沒其不致慨於世徵者鮮矣未閱月觀察張公

以所修新志示余息心展玩其考核之精紀述之詳既明且確復謹而嚴舉前此廢墜之典章釐然大

脩又嘆事世難易惟恃其人是舉也有贈君巍哉公為之前而又得觀察公諸昆玉為之後積十餘年之

心力遠稽遐考復不憚捐貲付梓俾千餘年之殘缺一旦集成於今日豈徒善述善述已哉余承乏茲土方

異与邑之紳士共興
廢墜仰幸而得觀察
公諸昆玉为之倡率也
行將以是編獻之
朝右庶採風者樂而編

輯焉是為序

乾隆十年歲次乙丑季夏
勅授文林郎知浮山縣事

廣陵田有伊謨



浮山縣志序

古者列國皆置史官以
紀其事即周禮外史之
職也後世因之郡有志邑
有乘顧史以寓褒貶立

賞罰垂千秋之法戒定
百代之是非褒惡互陳
貞淫並列若乘則美者
錄而惡者不書貞者傳
而淫者不具第有紀載

之文而無勸懲之義豈
例有不同與然而紀山川
所以稽幅員之廣狹紀
疆土所以考賦役之重輕
學校關乎人文官績本于
治政忠孝有傳植綱常
也節烈有記彰壺範也
而且人物之隱顯必書時
歲之災祥必誌寔於記
載之中而存風勵之意

此乘之所以通於史也乃
吾觀昔之為史者如班史
失之固范史失之誕陳壽
之三國志多徇愛憎而
失是非魏收之北齊書每
通貨賄而忘公論識者不
能無譏焉要之史以傳信
信則可徵乘猶之史也聞
見不可以不博考據不可
以不精論斷不可以不當